

Deo optimo maximo uni & trino, Virgini Deiparæ, & sancto Lucæ orthodoxorum Medicorum Patrono. (1794)

## QUÆSTIO MEDICA

Aug 1494

Cardinalitiis disputationibus manè discutienda in Scholis Medicorum, die Mercurii vigesimâ-octavâ Septembris.

M. LUDOVICO GAYANT, Doctore Medico Regis ordinario, Præfide.

*An Qui alios sanat, ideo magis sanus?*

**M**ENTIS corporisque functionum integritas sanitatem, ut earum læsio morbum constituit: sexcenta hunc pariant, illam, si lapsa est, nulla perfectè restitunt, sex tantùm præsentem fovet. Ea est elementorum indoles, ex quibus proximè conflatur humanum corpus, ut indefinenter (quo juxta sese invicem cidentur) motu, subiecti dissolutionem moliantur: hinc innata homini proclivitas ad ægrotandum, hinc sæpe evenit, ut illius ortus ab ejusdem interitu breviori distet intervallo. Nec credas illa esse alimenta, quibus perpetua illa substantiæ nostræ deperditio penitus instaretur; alioquin per multos annos in eadem integritate perseverantibus, exiguum ultra vitæ curriculum, quem nobis natura circumscriptit, liceret progredi, quod experientiæ admodum repugnat. Nec existimes medicamentis omnibus sanitatis dispendium ex æquo refarciri. Quæ noxios humores per alvum ejiciunt, ea portionem aliquam alibilium unâ eliminant. Quæ irritatione & succussu vehementiori pituitam & bilem per os eluunt, illa partibus nutritioni & respirationi inservientibus non leve facessunt negotium. Quæ heterogenea, quibus scæter sanguis, per insensiles meatus educunt, hæc homogenea sæpè nimium segregant, spirituumque diffipationem non rarò promonent. Pleraque tandem ex animalibus, vegetabilibus, mineralibusque chemicis ignis ope eruta medicamina, dum contumacissimos aliquando depellunt morbos; ventriculo, intestinis, aliisque abdominis partibus labem ægrè debilem sæpius incurrunt. Cum multa morbum faciant, pauca solvant, qui mentis & corporis gaudet sanitatē, videat, ne lædatur temerario rerum non naturalium usu: hanc discat medicinæ partem, quæ ad valetudinem tuendam omnibus adeo necessaria est, eam experietur omnibus utilem, nisi illis, quibus per vitæ institutum, & artis, quam exercent, officia, ipsius legibus non licet obtemperare, quique aliorum sanitati consulendo, in extremo suæ periculo per sepe versantur.

**Q**UAM necessaria *ὅλγου*, quam proficua sit, nemini non notum est. Aër exquisitè temperatus, nec tenuior, nec crassior, naturalem sanguinis fermentationem fovet, purpureum colorem illi conciliat, chyli distributionem juvat, nutritioni non parùm conducit: pestiferâ quâvis Mephiti coinquinatus, amplam invehit morborum fegetem. Cibis potusve moderatus, & unicuique congruens, effluvia solidarum liquidarumque partium affinis particulis, dispari tamen ratione, restituit: Qui utroque immodicè utitur, is vomitione, alvi fluxu, dysenteria, & aliis ejusmodi vexatur incommodis. Lenis & blanda corporis exercitatio spiritus torpentes excuscat, tardiores sanguinis motum adauget, humorum secretioni, idè quæ diaphoresi mirè confert, statim à cæna coctioni non officit: Assidua nimis & vehemens, corpus enervat, vires frangit, citatorem sanguinis motum adjuvat, spirituumque jaduram promovet, statim à pastu crudiorum chylum in vasa lactea citius protrudens, obstructions parit morborum prodromos. Tranquilla corporis & animi quies utriusque vires recreat, spiritus celeritè effluentes plenius per somnum suis in ergastulis coæservati, ad officia alacrius redeunt, exhaustum diurnis excubiis corporis robur in somno reficitur, & perennis substantiæ nostræ deperditio utcunque cohibetur. Felices qui moderato utuntur somno, miserrimi qui breviori aut longiori indulgent, in his, vel (transpiratione aliquatenus impeditâ) congeritur excrementorum fæda colluvies, sæcunda morborum parens, vel dissoluto nimis per vigiliam sanguine exhausta atroleosa illius portio sanitatis ut & vitæ fundamentum. Ejus vicem doleas, qui sua conditione impurum spirare aerem, statimque à cibo graviore operi cogitur incumbere, nec potest exanimatum penè corpus placido sopore reficere, cum *ὅλγου* præceptis, quibus sanitatem tuetur, morem gerere nequaquam possit.

**P**RÆTER motum & materiam, si quid est aliud in microcosmo dignum observatione, maximè cæteræ affectiones partium ejus: Fluidæ pro locorum (quæ alluere debent) diversitate, varias postulant configurationes, quæ morâ quâdam & fermentatione sic mutantur, ut tandem aptæ fiant, (cæteris alendò prorsus ineptis foras amandatis) in corporis substantiam facessere: hinc excernendorum excreto, & retinendorum retentio, tanti sunt apud Medicos momenti. In retentis si peccas, venenata miasma, marcescit viscera, arescunt viscera, succo nutritio partes, spiritibus genus nervosum destituitur. Rationi obtemperantes animi motus mirè sanitati conducunt: intempestivus mæror aut metus liquorum corporis nostri motum retardat, effusum verò nimis gaudium, ira, & alia animi pathemata, eundem præter modum accelerant. Nullus fere est, qui illis de sanitate tuendâ regulis parere non valeat; diversas hominum conditiones, variæque artes oculis perlustrat, præcipua unius cujusque munia sedulò perpende, neminem reperies præter Medicum, cujus officia cum *ὅλγου* legibus minùs congruant: soli Medico, nescio quo fato, contingit, ut muneribus ritè defungi simul & artis præcepta sequi non possit; is est qui aliorum salutem consulendo, suæ parum invigilat, imò, dum toto animo morbis debellandis incumbit, sanitatis suæ non leve patitur detrimentum.

**U**T homines facie, sic & indole, mirum in modum ab invicem discrepant, hinc studia in contrariâ plerique distrahuntur: Hic ingenuis & claris studet artibus, ille vilioribus, uterque mutuas sibi tradit operas, uterque laboribus immensis sanitatis dispendium, non æqua tamen sorte, experitur. Opifices & rustici, quibus opera vitæ est, quorumque corpus à pueris labore obduruit, aulicis & urbanis firmiori gaudent valetudine. Litteris humanioribus, philosophiæ, aliisve scientiis dediti multum sanitati suæ vigiliis detrahunt. Assiduo labore & indefinenter mentis contentione, quibus illi agitantur, torquetur Medicus. Quisquis omnia illius ab adolescentiâ ad extremum usque senium officia metietur, nullum fere diem à labore vacuum, nullum feriatum numerabit. Cui in animo est medicinam facere, is vix excesse ex ephebis, cum philosophiâ studio accensus, naturæ arcana & abstrusa magis scrutatur, nihil non molitur, nec sibi parcat, ut mineralium, vegetabilium, animaliumque vires perspectas habeat. Rarus absque Anatome truncam esse & debilem Medici scientiam, mortuorum viscera rimatur, partium omnium proportionem, structuram, situmque explorat, mutuum solidas inter & liquidas commercium, earum secretiones variæ & usus, omni curâ amice sollicitudine nititur investigare. Quantum hæc nativum corporis robur imminuant, norunt, qui diurnâ, nocturnâque mentis agitatione pêne jam confecti, pravos in explorandis cadaveribus hauriunt halitus, quibus inficitur sanguinea moles, sanitatque, (etiam vegetior) non parùm infirmatur. Quam Medicus studiis gravioribus infregit valetudinem, eandem, aliorum salutem invigilans, negligit restituere: Nullum remittit tempus, neque se respicit, ut ægris opem ferat. Febre pestilenti, variolis, aut alio quovis contagioso morbo divexatis medicam oçiùs manum admovet, non curat nùm in ipso medentes sæviat pestis, parumque est sollicitus de aëre tectis & venenatis effluviis contaminato, qui per os, & cæcatis spiracula haustus, naturalem sanguinis crasim, ac proinde sanitatem aptus natus est invertere.

**S**I plura quæras argumenta, intuerè Medicum, qui aliorum utilitati magis quàm suæ intentus, statim à cibo ad agros se confert, nullâ habitâ ratione coctionis, quæ nimis à pastu oblædi solet exercitationibus. Nec datur otium quiescere fesso, totâ die in laborando consumptâ, vix fopore fatigatum occipiat, cum dormitans interpellatur, dumque omnes placido perfuuntur somno, sæpè vigilat Medicus, & afflicti adest. Neque tot inter incommoda sanitati valde infensâ, libera mens ab omni perturbatioe remanet, nonnullos reperias Medicos, quibus aliorum valetudo longe est suamet antiquior, quique ex alienis ægritudinibus proprios aliquando merunt angores. Nulla sanè ars quæ magis oblit artificii, quam Medicina; nullus in aulâ & foro, nullus in urbe aut rure, qui vitæ instituto tot ac tantis sanitatem lædentibus additus sit quam Medicus, cujus ea est conditio, ut omnia artis officia non nisi cum summo suo discrimine possit adimplere. Medicum crede minùs infelicem quem optimè temperie beavit natura, hic enim illatis ab arte suâ damnis minus patebit, modò sit in victu temperans, à voluptatibus alienus, firmamque corporis sui constitutionem curis edacibus non evertat.

*Non ergo qui alios sanat, ideo magis sanus.*

Proponebat Parisiis JOANNES-BAPTISTA CHOMEL, Parisinus, Baccalaureus Medicus. A. R. S. H. 1695.

